

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

RJEŠENJE

**Prijava koncentracije privrednog subjekta Amadeus IT Group, S.A., Madrid, Republika
Španija**

Sarajevo, februar, 2014. godine



Broj: 03-26-1-036-8-II/13
Sarajevo, 6.2.2014. godine

Na osnovu člana 25. stav (1) tačka e) i člana 42. stav (1) tačka d), u vezi s čl. 12., 14., 16. i 18. Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije privrednog subjekta Amadeus IT Group, S.A., c/Salvador de Madariaga 1, 28027 Madrid, Republika Španija kojeg zastupaju advokati Branko Marić i Džana Smailagić Hromić, Marić & Co Advokatsko društvo d.o.o., Mehmeda Spahe 26, 71000 Sarajevo, zaprimljenoj dana 19.11.2013. godine pod brojem: 03-26-1-036-II/13, Konkurencijsko vijeće Bosne i Hercegovine, na 80. (osamdesetoj) sjednici održanoj dana 6.2.2014. godine, donijelo je

R J E Š E N J E

1. Ocjenjuje se dopuštenom koncentracija na tržištu pružanja usluga u oblasti kompjuterskog sistema putničkih rezervacija i/ili izdavanja avio karata putem globalnog distributivnog sistema u Bosni i Hercegovini, koja će nastati sticanjem kontrole privrednog subjekta Amadeus IT Group, S.A., c/Salvador de Madariaga 1, 28027 Madrid, Republika Španija, nad privrednim subjektom Amadeus Bosna d.o.o. za marketing Sarajevo, Hamdije Čemerlića 2, 71000 Sarajevo, kupovinom (...)*¹ % vlasničkih udjela.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) dana 19.11.2013. godine zaprimilo je Prijavu koncentracije pod brojem: 03-26-1-036-II/13 (u daljem tekstu: Prijava) od strane privrednog subjekta Amadeus IT Group, S.A., c/Salvador de Madariaga 1, 28027 Madrid, Republika Španija (u daljem tekstu: Amadeus Group ili Podnosilac prijave) kojeg zastupaju advokati Branko Marić i Džana Smailagić Hromić, Marić & Co Advokatsko društvo d.o.o., Mehmeda Spahe 26, 71000 Sarajevo, kojom isti namjerava kupiti (...)*% udjela u privrednom subjektu Amadeus Bosna d.o.o. za marketing Sarajevo, Hamdije Čemerlića 2, 71000 Sarajevo (u daljem tekstu: Amadeus BH) od privrednog subjekta Javno preduzeće „B&H Airlines” d.o.o. Sarajevo, Kurta Schorka 36, 71000 Sarajevo, Bosna i Hercegovina (u daljem tekstu: BH Airlines).

Podnosilac prijave je istu samoinicijativno dopunio dana 26.11.2013. godine, podneskom broj: 03-26-1-036-1-II/13.

Konkurencijsko vijeće je Podnosiocu prijave izdalo Potvrdu o prijemu kompletne i uredne Prijave, dana 23.1.2014. godine akt broj 03-26-1-036-6-II/13, u skladu sa članom 30. stav (3) Zakona o konkurenciji (u daljem tekstu: Zakon).

¹ (...)* Podaci predstavljaju poslovnu tajnu

Podnosilac prijave je, u smislu člana 30. stav (2) Zakona, naveo da ne namjerava podnijeti zahtjev za ocjenu koncentracije tijelima ovlaštenim za ocjenu koncentracije izvan Bosne i Hercegovine.

Konkurencijsko vijeće je izdalo, u skladu sa članom 16. stav (4) Zakona, Obavještenje o dostavljenoj Prijavi (akt broj: 03-26-1-036-2-II/13 od dana 4.12.2013. godine) u dnevnoj štampi Bosne i Hercegovine, u kojoj je objavilo podatke o koncentraciji, te pozvalo sve zainteresovane strane na dostavljanje pisanih komentara u pogledu provedbe iste. Na istu nisu dostavljeni komentari.

Konkurencijsko vijeće je iz Prijave utvrdilo slijedeće činjenice:

Prijava koncentracije je podnesena u zakonom propisanom roku, u smislu člana 16. stav (1) Zakona.

1. Učesnici koncentracije

Učesnici koncentracije su privredni subjekti Amadeus IT Group, S.A., c/Salvador de Madariaga 1, 28027 Madrid, Republika Španija, Javno preduzeće „B&H Airlines” d.o.o. Sarajevo, Kurta Schorka 36,71000 Sarajevo, Bosna i Hercegovina (privredni subjekt Amadeus Bosna d.o.o. za marketing Sarajevo, Hamdije Čemerlića 2, 71000 Sarajevo, Bosna i Hercegovina - predmet koncentracije).

1.1. Privredni subjekt Amadeus Group

Privredni subjekt Amadeus Group je dioničko društvo registrovano 2006. godine u skladu sa zakonima Republike Španije, sa sjedištem u c/Salvador de Madariaga 1, 28027 Madrid, Republika Španija, upisano u Trgovački registar Madrida, Tom 21.552, knjiga 0, list 142, sekcija 8, stranica M-383.503, pod poreskim brojem A 84409408.

Glavni dioničari privrednog subjekta Amadeus Group su Air France Finance sa (..)*% dionica i Malta Pension Investments sa (..)*% dionica, dok su ostale dionice izlistane na međunarodnoj berzi i u vlasništvu su malih dioničara.

Pretežne registrovane djelatnosti privrednog subjekta Amadeus Group su prenos podataka putem informatičkih sistema za rezervaciju, uključujući ponude, rezervacije, tarife, karte za prevoz i sl., sve druge usluge vezane uz transportnu industriju i turizam, pružanje informatičkih i usluga obrade podataka, upravljanje i savjetovanje vezano za informatičke sisteme kao i pružanje usluga vezanih uz ponudu i distribuciju svih vrsta proizvoda informatičkim putem, te proizvodnja, prodaja i distribucija softvera, hardvera i prateće opreme svake vrste.

Privredni subjekt Amadeus Group je vlasnik (..)*% udjela u privrednom subjektu Amadeus BH.

1.2. Privredni subjekt BH Airlines

Privredni subjekt Javno preduzeće BH Airlines je registrovan u skladu sa zakonima Federacije Bosne i Hercegovine, sa sjedištem u Kurta Schorka 36,71000 Sarajevo, Bosna i Hercegovina, upisan u registar privrednih subjekata kod Općinskog suda u Sarajevu pod brojem MBS: 65- 01-0613-11, sa ukupnim osnivačkim kapitalom od (..)*KM i sa 99,9337% vlasničkih udjela Federacije Bosne i Hercegovine.

Pretežna registrovana djelatnost privrednog subjekta BH Airlines je avio prevoz putnika i robe.

Privredni subjekt BH Airlines u svom vlasništvu ima (..)*% udjela u privrednom subjektu Amadeus BH i (..)*% udjela u privrednom subjektu „AVIO TOURS“ d.o.o. Sarajevo, koji je neaktivan i ne posluje od 2003. godine.

1.2.1. Privredni subjekt Amadeus BH

Privredni subjekt Amadeus Bosna d.o.o. za marketing Sarajevo je registrovan u skladu sa zakonima Federacije Bosne i Hercegovine, sa sjedištem u Hamdije Ćemerlića 2, 71000 Sarajevo, Bosna i Hercegovina, upisan u registar privrednih subjekata kod Općinskog suda u Sarajevu pod brojem: 1-23200, sa ukupnim osnivačkim kapitalom od (..)*KM, sa (..)*% vlasničkih udjela privrednog subjekta BH Airlines i sa (..)*% vlasničkih udjela privrednog subjekta Amadeus Group.

Pretežne registrovane djelatnosti privrednog subjekta Amadeus BH su obavljanje usluga marketinga i prodaje za Amadeus sistem i druge proizvode AMADEUS global travel.

2. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti koncentracije primjenilo odredbe Zakona, Odluke o utvrđivanju relevantnog tržišta («Službeni glasnik BiH», br. 18/06 i 34/10), te Odluke o načinu podnošenja prijave i kriterijima za ocjenu koncentracija privrednih subjekata («Službeni glasnik BiH», broj 34/10).

3. Pravni osnov i oblik koncentracije

Pravni osnov koncentracije je Ugovor o kupoprodaji udjela zaključen dana 4.11.2013. godine između privrednog subjekta Amadeus Group, kao kupca i privrednog subjekta BH Airlines, kao prodavca, kojim Amadeus Group stiče (..)*% udjela u privrednom subjektu Amadeus BH, te na taj način, sa ranije stečenih (..)*% udjela, postaje vlasnik (..)*% udjela u privrednom subjektu Amadeus BH.

Slijedom navedenog pravni oblik koncentracije predstavlja sticanje kontrole ili dominantnog uticaja jednog, nad drugim privrednim subjektom kupovinom većine dionica, u smislu člana 12. stav (1) tačka b) pod 1) Zakona.

4. Obaveza prijave koncentracije

Obaveza prijave koncentracije postoji ukoliko su uspunjeni uslovi iz člana 14. stav 1) pod a) i b) Zakona, odnosno ako ukupni prihod svih učesnika koncentracije ostvaren prodajom roba i /ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji i da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i /ili usluga na tržištu Bosne i Hercegovine iznosi najmanje 8.000.000,00 KM, ili ako je njihov zajednički tržišni udio na relevantnom tržištu veći od 40%.

Ukupni ostvareni godišnji prihodi učesnika koncentracije na dan 31.12.2012. godine iznosili su:

Tabela 1.

	Amadeus Group	BH Airlines	Amadeus BH
Svijet	(..)*EUR (..)*KM	(..)*KM	(..)*KM
Bosna i Hercegovina	(..)*EUR (..)*KM	(..)*KM	(..)*KM

Izvor: podaci iz prijave

Tabela 2.

Red. broj	Privredni subjekti	Udio (%)
1.	Amadeus BH ¹	(..)*
2.	Galileo Adriatic d.o.o. Beograd	(..)*
3.	BH Airlines ²	(..)*
4.	Ukupno	100,0

¹ Udio privrednog subjekta Amadeus Group je posredan preko privrednog subjekta Amadeus BH u kojem ima vlasnički udjel

²Privredni subjekt BH Airlines ne djeluje na relevantnom tržištu

Analizom padataka iz Tabela 1. i 2. Konkurencijsko vijeće je utvrdilo da privredni subjekti učesnici koncentracije u pogledu ostvarenih ukupnih prihoda u 2012. godini nisu obavezni prijaviti koncentraciju u skladu sa članom 14. stav 1) tačka a) i b), ali podaci iz Tabele 2. pokazuju da učesnici koncentracije ispunjavaju uslov o zajedničkom tržišnom udjelu (zajednički udio na relevantnom tržištu veći od 40,0%) propisan članom 14. stav (1) tačka b) Zakona, pa shodno tome podliježu obavezi prijave koncentracije.

5. Relevantno tržište učesnika koncentracije

Relevantno tržište, u smislu člana 3. Zakona, te čl. 4. i 5. Odluke o utvrđivanju relevantnog tržišta čini tržište određenih proizvoda/usluga koji su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koje to tržište bitno razlikuje od uslova tržišne konkurencije na susjednim geografskim tržištima.

Uzimajući u obzir pretežne registrovane djelatnosti učesnika koncentracije relevantnim tržištem proizvoda i/ili usluga smatra se tržište pružanja usluga u oblasti kompjuterskog sistema putničkih rezervacija i/ili izdavanja avio karata putem globalnog distributivnog sistema.

Na osnovu podataka iz Prijave učesnici koncentracije posluju, bilo direktno ili indirektno, na čitavoj teritoriji Bosne i Hercegovine, pa se stoga relevantnim tržištem u geografskom smislu smatra tržište Bosne i Hercegovine, s obzirom da su relevantni proizvodi i/ili usluge, putem globalne distributivne mreže, dostupni na cijeloj teritoriji Bosne i Hercegovine.

Slijedom navedenog, relevantno tržište koncentracije je tržište pružanja usluga u oblasti kompjuterskog sistema putničkih rezervacija i/ili izdavanja avio karata putem globalnog distributivnog sistema u Bosni i Hercegovini.

6. Analiza relevantnog tržišta

Iz podataka o tržišnim udjelima učesnika na relevantnom tržištu vidljivo je da na tržištu pružanja usluga u oblasti kompjuterskog sistema putničkih rezervacija i/ili izdavanja avio karata putem globalnog distributivnog sistema u Bosni i Hercegovini privredni subjekt Amadeus BH ima dominantan položaj te da njegov tržišni udio iznosi (..)*% (Tabela 2), a privredni subjekt Amadeus Group, prema podacima iz Prijave ima mali udjel na tržištu Bosne i Hercegovine.

Procjena tržišnih udjela privrednih subjekta učesnika koncentracije kao i njihovih glavnih tržišnih konkurenata na relevantnom tržištu poslije koncentracije:

Tabela 3.

Red. broj	Privredni subjekti	Udio (%)
1.	Amadeus BH	(..)*
2.	Galileo Adriatic d.o.o. Beograd	(..)*
3.	BH Airlines	(..)*
4.	Ukupno	100,0

Izvor: Podaci iz prijave

Provođenjem koncentracije neće doći do promjene tržišnih udjela učesnika na relevantnom tržištu, nego samo do promjene vlasništva nad privrednim subjektom Amadeus BH.

7. Ocjena koncentracije

Konkurencijsko vijeće je, nakon procjene i analize podataka i utvrđenih činjenica u postupku donošenja Rješenja ocijenilo da provedba koncentracije ne vodi narušavanju tržišne konkurencije s obzirom da će tržišni udjeli privrednog subjekta Amadeus BH ostati nepromijenjeni, odnosno neće proizvesti promjenu tržišnih pozicija na relevantnom tržištu.

Konkurencijsko vijeće je utvrdilo također da koncentracija ne sprječava, ograničava niti narušava tržišnu konkurenciju na tržištu pružanja usluga u oblasti kompjuterskog sistema putničkih rezervacija i/ili izdavanja avio karata putem globalnog distributivnog sistema u Bosni i Hercegovini, te je odlučilo kao u dispozitivu ovog Rješenja.

8. Administrativna taksa

Na ovo Rješenje Podnosioci prijave, u skladu sa članom 2. stav (1) tarifni broj 107. tačka d) pod 1) Odluke o visini administrativnih taksi u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) dužni su platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

9. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

Predsjednik

Gordan Raspudić